

MOTŠHELO WA DIVIDENTE

Na ke eng se sempsha?

- **13 June 2017 – Ditafola tša Motšhelo wa Dividente – Kakaretšo ya ditekanyo tša DTA**

Kakaretšo e kaonafadišwego ya ditekanyo tša motšhelo wa go swarelelwa go ya ka Ditumelano tša Motšhelo wa Pedifatšo wa Afrika Borwa gabjale e a diragatšwa (ka Afrika le lefaseng ka bophara) e phatlaladitšwe.

- **09 Matšhe 2017 – Motšhelo wa Dividente - Clarification Document for Dividends Tax – Tax Rate Change**

Dingwalwa tša tlhaloso tše di lego ka go tokumente ye di ama BRS ka thaetlele le bešene “[SARS_External BRS_2014_Dividends Tax_v2.0.1-6](#) go tloga ka letšatšikgwedi la 1 Matšhe 2015. Tokumente ye ke kakaretšo ya diphetogo tša semolao ka tšhupetšo ya Tekanyo ya Motšhelo **bakeng sa dithomelo tše di felelago ka mafelelo a Matšhe 2017.**

Lemoga: Tokumente ye ya Tlhaloso e phethagatšwa bakeng sa dithomelo tše di felelago ka mafelelo a Matšhe 2017. Lefelo la Diteko la SARS le tla kaonafatšwa go tloga ka 13 Matšhe 2017.

Na Motšhelo wa Dividentee ke eng?

- Motšhelo wa Dividente ke motšhelo wa baswarakabelo (baholegi bao e lego beng) ge didividente di lefetšwe go bona, le, ka fase ga mabaka a go tlwaelega, e a swarelelwa go tšwa go ditefelo tša bona tša didividente ke agente ya go swarelela (e kaba khamphani yeo e lefelago dividente goba, fao motsenagare yo a lego molaong a amegago, gabjale). Dividente ke tefelo enngwe le enngwe yeo e dirilwego ke khamphani go moswarakabelo bakeng sa kabelo yeo e swerego ke khamphani yeo, go sa akaretšwe pušetšo yeo e abetšwego go matlotlo a motšhelo ((k.g. palo yoe e amogetšwego ke khamphani bakeng sa go fana ka dišere). E ama ke tefelo ya dividente ka enngwe le enngwe ya: Khamphani ya bodulo ya motšhelo ya Afrika Borwa; goba
- Khamphani ya naga ya ka ntle yeo dikabelo tša yona di ngwadišitšwego le Phetošetšo ya Afrika Borwa.

Ditefelo tša didividente ka dikhamphani tše dikgolo ga di tlamege go Motšhelo wa Didividente. Motšhelo wa Didividente o eme legatong la STC ka maiteko a go:

- Sepetša Afrika Borwa le ditlwaedi tša ditšhabatšhaba align South Africa with the international norm where the fao moamogedi wa dividente, e sego khamphani yeo e e lefelago, e nago le maikarabelo bakeng sa motšhelo (Afrika Borwa e be e le enngwe ya dinaga tše mmalwa tša motšhelo wa maemo a koporeite go didividente, bjale ka STC)
- go dira Afrika Borwa lefelo la go kgathisa bakeng sa dipeeletšo tša ditšhabatšhaba ka go tloša kakanyo ya tekanyo e kgolo ya motšhelo wa koporeite (STC ke motšhelo wa tlaleletšo wa koporeite) ka tlaleletšo ya dipolelo tša fase tša matlotlo (STC e swanetše go tihagišwa ka go Setatamente sa Letseno la go Tsenelela (Setatamente sa Letseno)).

Baholegi ba bangwe ba beng ba didividente ba swanetše go hwetša phokoletšo (batho ba mo gae le/gob aba naga ya k ante) ya phokotšo ya tekanyo (batho ba ka nageng ya ka ntle) ka fase ga tshepetšo ya Motšhelo wa Didividente, mola didividente tšeo di amogetšwego ke bona ka fase ga sešeme ya STC di be di tšheletšwe ka botlalo ka go khamphani yeo e laodišitšego dividente.

Na ke mang a swanetšego go o lefela?

Motšhelo wa Didividente o lefelwa ke moholegi wa mong wa dividente, eupša e swarelelwa go tšwa go tefelo ya didividente gomme e lefelwa go SARS ke agente ya swarelelo. Motho yo a nago le maikarabelo a motšhelo, le ge go le bjale, o dula a na le maikarabelo a go lefela motšhelo ge agente ya go swarelela ke la palelwa ke go swarelela tefelo ya maleba ya motšhelo. Pharologanyo go tshepetšo ye ka kakaretšo ke ge dividente e na le phatlalatšo ya thoto *in specie*, yeo mafelelong sekoloto sa motšhelo se lebanago khamphani ka boyona (bjale ka STC), se se ra gore e ka no se swarelele motšhelo go tšwa go tefelo ya dividente.

Na go tlo lefelwa bokae?

Tekanyo ya Motšhelo wa Didividente e oketšegile go tloga ka 15% go ya go 20% bakeng sa dividende enngwe le enngwe yeo e lefetšwego ka gob aka morago ga 22 Feberware 2017 (go sa lebelelwe letšatšikgwedi la taodišo), ntle le ge phokoletšo goba phokoletšo ya tekanyo e dirišwa.

Kakaretšo ya tshwarelelo ya ditekanyo tša motšhelo go ya ka Ditumelano tša Motšhelo wa Pedifatšo ya Afrika Borwa yeo e dirišwago gabjale e arotšwe ka dikarolo tše pedi, Afrika le lefase ka bophara. Lebelela matlakala a mabedi go [Dividends Tax Tables - Summary of DTA rates](#).

Na o swanetše go lefelwa neng?

Motšhelo wa Dividente go dividende enngwe le enngwe yeo e laodišitšwego gape e lefetšwego go tloga ka 1 Aprele 2012 go ya pele, le agente ya go swarelela (e kaba khamphani goba yo a dumeletšwego go ba magareng) ba swanetše go lefela motšhelo wo o swareletšwego go SARS pele ga letšatši la mafelelo la kgwedi go latela kgwedi yeo dividende e lefetšwego. Ditefelo tša Motšhelo wa Didividente di swanetše go sepela le pušetšo ya (DTR01/02). Dikotlo le ditšwala di ka lefišwa levi bakeng sa ditefelo tša go šalela morago ka tiego ya motšhelo wa didividente goba thomelo ya go diega ya dipušetšo tša motšhelo wa didividente.

Na ke dikgato dife ke swanetšego go di tšea?

Moswarakabelo (e kaba khamphani yeo e lego modudi wa Afrika Borwa goba wa khamphani ya naga ya ka ntle yeo dikabelo di ngwadišitšwego le Phetošetšo ya Afrika Borwa) o tla ba le maikarabelo bakeng sa Motšhelo wa Didividente ge dividende e lefetšwe go wena. Le ge go lebjalo, agente ya maleba ya tshwarelelo e tla tlamega go swarelela le go lefela motšhelo go SARS. Agente ya go swarelela e swanetše go go romela taodišo yeo e hlokegago le diforomo bakeng sa tlaetšo ge eba o rata go khwalifaya bakeng sa diphokoletšo goba phokoletšo ya ditekanyo ka fase ga DTA (badudi ba naga ya ka ntle fela). Foromo ya go tlatšwa e swanetše go romelwa go agente ya go swarelela pele e ka fokotša tefeki ya dividende goba go swarelela ka tekanyo ya fase.

Maela a bohlokwa kudu: Diagente tše dintši tša go swarelela di diriša diforomo tše tša taodišo go tshepetšo ya go bula akhaonte, ka fao ga go bohlokwa go dira seo ka morago. Ge dikarolo tše dingwe tša taodišo di ka fetoga, ke maikarabelo a moholegi wa mong go eletša agente ya swarelelo ka bjako.

Na phapano ke eng magareng ga Motšhelo wa Dividentee le Motšhelo wa Bobedi go Dikhamphani?

Phapano e kgolo ke gore na ke manga a nago le maikarabelo a motšhelo. Motšhelo wa Didividente ke motšhelo wo o lefišwago lebi go baswarakabeloge ba amogela didividente, fao STC e bilego motšhelo wo o lefišitšwego lebi go dikhamphani ka taodišo ya didividente. Ga go na kamano magareng ga STC le Motšhelo wa Didividente. Ge eba dividende e be e laodišitšwe pele ga 1 Aprele 2012 (go sa lebelelwe letšatšikgedi la tefelo) e tloga e lebanwe ke STC. Ke fela moo didividente di laodišitšwego gape di lefetšwego ka gob aka morago ga 1 Aprele 2012 gomme e tla tlamega go lefela Motšhelo wa Didividente.